

屯留縣志目次

第一卷

星野 晷度附

祥異

沿革

疆域

山川

封建

古蹟

第二卷

城池

公署

學校

書院義學附

祠廟

寺觀

驛傳

兵防

第三卷

田賦

諸營

課程

鹽法

坊里

鄉甲

風俗
物產附

第四卷

職官

宦績

選舉
徵辟仕進附

科貢
例貢雜職附

第五卷

名賢

忠義孝弟循良文苑武烈附

列女

節婦烈婦貞女烈女

隱逸

流寓

遷徙附

仙釋

方伎

醫學訓科陰陽訓術附

封廕

牌坊

陵墓

濠澤園附

第六卷

藝文上

制勅 記序

第七卷

藝文中

考辨 文論 贊跋 命說
敬誌 銘墓 表

第八卷

藝文下

箴 歌 賦 詩

雜記

糾誤

世留縣志卷五

名賢

忠義孝弟循良
文苑武烈

嘗謂賢才出國家昌以其道德事業昭若日星百世
不朽也表而出之亦曰高出仰止景行行止云爾

張良字子房其先韓人也大父開地相韓昭侯宣惠王

襄哀王父平相釐王悼惠王悼惠王二十三年平卒

卒二十歲秦滅韓良年少未宦事韓韓破良家僮三

百人弟死不葬悉以家財求客刺秦王為韓報仇以

五世相韓故後遇黃石公授兵法從沛公良數以兵

法說沛公常用其策良爲它人言皆不省良曰沛公
始天授故遂從不去沛公之薛見項梁共立楚懷王
良乃說項梁曰君已立楚後而韓諸公子橫陽君玆
賢可立爲王益樹黨項梁使良求韓成立爲韓王以
良爲韓司徒與韓王將千餘人西略韓地得數城秦
輒復取之良引兵從沛公下韓十餘城擊楊熊軍沛
公迺合韓王成留守陽翟與良俱南攻下宛西入武
關襲咸陽大破之秦兵竟敗遂至咸陽秦王子嬰降
沛公沛公從良諫還軍霸上項羽至鴻門欲擊沛公
項伯夜見良欲與俱去良曰臣爲韓王送沛公今亡

去不義因要項伯見沛公與伯飲爲壽結緡令伯具
言沛公不敢背項王所以距關者備它盜也項羽後
解漢元年沛公爲漢王王巴蜀賜良金百溢珠二斗
良具以獻項伯漢王亦因令良厚遺項伯使請漢中
地項王許之漢王之曰良送至褒中遣良歸韓良曰
說漢王燒絕棧道示天下無還心以固項王意迺使
良還行燒絕棧道良歸至韓聞項羽以良從漢王故
不遣韓王成之國與俱東至彭城殺之時漢王還定
三秦良乃間行歸漢漢王以良爲成信侯從東擊楚
至彭城漢王兵取下馬而問曰吾欲捐關以東等弃

之誰可與其功者良曰九江王英布與項王有隙彭越與齊王田榮反梁地此兩人可急使而漢王之將獨韓信可屬大事當一面捐之此三人楚可破也漢王乃遣隨何說九江王布而使人邀彭越及魏王豹反使韓信特將北擊之因舉燕伐齊趙然卒破楚者此三人力也良多病未嘗特將兵常言曰罷臣時時從漢三年楚圍漢王於滎陽漢王恐與酈食其謀撓楚權酈勸立六國後王翹即良從外來漢王方食曰客有爲我謀者以酈生計告良曰誰爲陛下畫此計者臣請僂前箸以誦之誠用此計天下事去矣漢

王輟食吐哺罵曰豎儒幾敗迺公事令趣銷印後韓
信破齊欲自立爲假王漢王怒良說王漢王使良授
齊王信印五年冬漢王追楚至陽夏南戰不利壁固
陵諸侯期不至漢王用良計諸侯皆至六年大封功
臣迺封良爲留侯良與上從容言天下事甚衆非天
下所以存亡故不著良迺稱曰家世相韓及韓滅不
受萬金之資爲韓報仇疆秦天下震動今迺曰寸舌
爲帝者計封萬戶位列侯此布衣之極於實足矣願
弃人間事欲從赤松子游耳迺學道欲輕舉高帝崩
呂后德良諫易太子迺彊食之曰人生一世間如白

駒之過隙何自苦如此良不得已彊聽食後六歲亮

諡曰文成侯良始所見地直老及與蕭者後十三歲

從高帝過濟北果得穀城山下黃石取而寶祠之及

良死并葬黃石每土冢伏臘祠黃石子不疑嗣侯孝

文三年國除節錄漢書言其世曰家世曰韓又韓不

鮑永字君長宣子少有志操習歐陽尚書事後母至孝

妻嘗於母前叱狗永即去之初為郡功曹莽以宣不

附己欲滅其子孫都尉路平規害永太守苟諫擁護

召以為吏常置府中永因數為諫陳興復漢室翦滅

篡逆之策諫每戒之永感其言及諫卒自送喪歸扶

風路平遂收永弟升太守趙興到曰鮑宣死節其可
害其子也敕縣出升復署永功曹時有矯稱侍中止
傳舍者興欲謁之永拔劍佩刀截馬當胸乃止後數
日果不詳遂稱者永由是知名舉秀才不應更始三
年徵再還尚書僕射行大將軍事持節將兵安集河
東并州刺史得自置偏裨執行軍法永擊青犢大破
之封中陽侯永雖爲將率百軍服儉素爲道路所識
時赤眉害更始光武遣諫議大夫儲大伯持節徵永
永疑不從乃收繫大伯遣使馳至長安既知更始亡
乃發喪出大伯等封上將軍列侯印綬悉罷兵幅巾

諸河內帝問衆所在永離席叩頭曰臣事更始不能
合公幸富貴故悉罷之時攻懷未拔帝
曰關東畏服卿可且將故人自往城下譬之卽拜永
謀議大夫至懷乃說河內太守開城降帝大喜賜洛
陽上商里宅固辭不受時董憲裨將屯兵於魯拜永
爲魯郡太守永擊討大破之降者數千人唯別帥彭
豐虞休皮常等各千餘人稱將軍不肯下頃之孔子
闕里無故荆棘自除從講堂至於里門永異之謂府
丞及魯合曰方今危急而闕里自閉斯豈夫子欲合
太守行禮於誅無道邪乃會人臨以禮焉

等共會觀視欲因此擒之豐等持牛酒勞饗而潛挾
兵器永覺之手格殺豐等擒破黨與帝嘉其畧封關
內侯遷揚州牧誅強橫而鎮撫其餘百姓安之母憂
去悉以財產與孤弟子建武十一年徵爲司隸校尉
帝叔父趙王良尊戚貴重永嘗劾良曰今月二十七
日車駕臨故中郎將來歛喪還車駕過須臾趙王良
從後到與右中郎將張邯相逢城門中道迫狹叱邯
旋車又詔候令尊詰責復前走數十步按良諸侯藩
臣蒙恩入侍知尊帝城門候吏六百石而肆意加怒
令叩頭都道奔走馬頭前無藩臣之禮大不敬也由

是朝廷肅然莫不戒慎又辟扶風鮑恢爲都官從事
恢亦抗直不避強禦帝常曰貴戚且宜斂手以避二
鮑其見憚如此永行縣到躡陵路經更始墓引車入
陌從事諫止之永曰親北面事人豈有過墓不拜雖
以獲罪司隸所不避也遂下拜哭盡哀而去西至扶
風椎牛上苟諫冢帝以問公卿大中大夫張湛對曰
仁者行之宗忠者義之主也仁不遺舊忠不忘君行
之高者也帝意乃釋後大司徒韓歆坐事永固請之
不得以此忤帝意出爲東海相坐度田事被徵諸郡
守多下獄永至成皋詔書下曰君晨夜冒犯霜露情

神亦以勞矣以君帷幄近臣其以永爲兗州牧也永
便道之官視事三年卒祀鄉賢

鮑昱字文泉永子少從父學客授於東平建武初太行
山中有剽賊太守戴涉聞昱永子有智畧乃就謁署
守高都長昱應之遂討擊羣賊誅其渠帥道路開通
由是知名後爲泚陽長泚政仁恕民趙堅殺人繫獄
其父母詣昱自言年七十餘惟有一子適新娶今恐
長無種類涕泣求哀昱令將妻入獄解械止宿遂姪
身有子境內感之荊州刺史表政化清淨再遷中平
元年拜司隸校尉詔昱詣尙書使封胡降檄遣小黃

門問昱有所怪否對曰臣聞故事通官文書不著姓
又當司徒露布怪使司隸下書而著姓也帝報曰吾
固欲令天下知忠臣之子復爲司隸也昱在職奉法
守正有父風永平中坐救火遲免後拜汝南太守郡
多陂池歲歲決壞費常三十餘萬昱作方梁石洫水
常饒足溉田倍多人以殷富十七年爲司徒賜錢帛
什器帷帳除子德爲郎建初元年大旱肅宗召問對
曰臣聞聖人理國三年有成今陛下始踐天位刑政
未著如有失德何能致異但臣前任汝南典理楚事
繫者千餘人恐未能盡當其罪先帝詔言大獄一起

冤者過半諸徙者骨肉離分孤魂不祀一人吁嗟王
政爲虧宜一切還諸徙家屬蠲除禁錮興滅繼絕死
生獲所如此和氣可致帝納其言時司徒例訟久者
至數十年比例輕重非其事類錯雜難知昱奏定讞
訟七卷決事都目八卷四年爲太尉六年卒年七十
餘祀鄉賢

德昱子修志節有名稱累官河南南陽太守時諸郡
多災惟南陽豐穰吏民愛悅號爲神君修志舍備俎
豆尊饗國老燕會諸儒百姓觀者莫不敬服在職九
年徵拜大司農卒子昂見孝行其後有鮑靚鮑照只

見後

疊字文公合於魯永興元年孔廟置百石卒史掌領
禮器疊造作吏舍廟碑稱其與魯相乙瑛政教稽古
若重規矩功垂無窮云

王聰

王聰通毛詩尚書禮記華陰徐遵明名士也詣屯留師
聰受其三經而歸李氏延壽曰齊時儒士罕傳尚書
之業徐遵明兼通之遵明受業於屯留王聰祀鄉賢

宋

宋思約 詳隱逸

明

李達以貢士歷仕福建道監察御史秉公執法人不敢干以私軍民畏服時有鐵面御史之稱祀鄉賢

李尙智字子愚嘉靖甲辰進士知直隸清苑縣擢監察

御史轉山東青州知府直隸密雲副使補四川參政

山東按察使晉右僉都御史巡撫延綏調保定尙智

蘊經世畧居官以廉潔爲先而出以公慎自郡縣至

兩府所至皆有惠政在延綏控致五路讐伏諸番尤

稱一時屏翰致政後家無長物布衣蔬食稱貸自給

怡如也當道數十薦皆不起世以清望推之祀鄉賢

李之茂字汝培號七泉少孤力學中嘉靖庚子舉人爲山東滋陽令嘗夕按園扉有童子而柎楊泣者則其祖負官金而三世逮者也之茂惻然以百金代償釋之河決徐沛間之茂督治夏村隄有功加俸一級尋拜南臺監察御史巡視鳳陽倉魏國子爭爵事連勳貴命南臺議法諸直指多引避之茂挺身斷曲直襲乃定因以骨鯁忤勢要且草疏論宰相攝銓憲非高皇帝法相國調知之遂出補陝西僉事丁內艱免喪起補河南分巡汝洛間按貪暴以法盧氏礦盜倡亂設方畧擒之忌者以蜚語上聞下所司考驗事白補

四川治兵激瀘時都蠻新平之茂招徠反側修戒備
將吏偷安者嚴罰之有詔省官以激瀘事兼領川南
當徙職會妻喪遂歸不復起之茂孝友仁厚自痛早
失怙嘗瀝血草疏聞母郭宜人節於朝既拜旌命覩
坊表輒泣然泣下能自忍困不能忍人困里中待之
舉火者數十家與人無城府好獎引儒生見突梯
誕者必憤而斥之以故宵人感息焉而賢士大夫翕
然頌之不置

路王道字天德由解元登嘉靖癸丑進士任直隸南樂
縣知縣補河南臨漳縣知縣陞禮部主事歷員外郎

光祿丞尙寶卿太常少卿光祿正卿直節忤權奸而
不懼正氣凜然罷歸林下年七十餘猶手一卷日爲
捧誦嘗曰吾此生讀不盡也後以疾卒於家祀鄉賢
暴孟奇字玉溪嘉靖乙丑進士任戶部主事改御史歷
衛輝府知府陝西臨鞏兵備副使性直懇練達剛果
蘭大猾十許人冒餉金鉅萬比事發耗蕩無寸絲孟
奇以首惡正憲典代償贖鍰二千金凡屬牽引俱爲
讞釋往者實粟塞下粟貴而賤人商戒不來孟奇言
於督撫平其人商不受困而倉廩充盈北城臨河易

地大爲登砌州民賴之祀鄉賢

暴謙貞字襟璋參政孟奇孫也學博才高剛直有祖烈
萬厯癸丑進士選翰林庶吉士厯吏刑工三科給事
中典浙江辛酉鄉試稱得士遷太常寺少卿提督四
譯館於八館六辭益勤無怠擢河南巡撫正直忠厚
方古名世而竟以忤逆魏璫隕生惜大業不成祀鄉
賢

霍應麟字瑞環由鄉舉授達州牧州商王家棟冤死厯
讞莫得其情應麟禱於神夢得微指尋捕獲一訊卽
服商冤得雪遷寶慶倅憂歸服除補慶陽倅尋擢爲
守北地多荒田民習游惰首下令墾荒以復農業得

舊演武場曠地募民給牛種西成所獲著令爲修城
費會入覲謝絕饋遺有齟齬之者遂解組歸家居二
十年卒郡人程正己志其墓

國朝

暴煜字耀生號曉村以優貢中乾隆辛酉科舉人初任
雲南曲靖府知府轉福建漳州府知府仕至湖南驛
鹽長寶道山東都轉鹽運使司濱樂分司誥授中憲
大夫天性肫篤清正不阿告歸之日宦囊蕭索至今

人猶稱頌之

馮敬典原名陞字尹東號復庵中乾隆庚寅舉人任

雲南祿勸縣知縣權知武定州事時鎮雄有
憲難其人羣議以敬典往至則頓釋遂擢鎮雄州牧
因俗制宜清弊除害以卓異陞麗江知府麗壤連西
藏素稱難治典惟以敦信守邊夙夜宣勤政治民安
尙有老成典型焉

忠臣

鄧恢字文廓南陽人其先因從駕宅屯留唐運之始輸
誠盡節以功起家上柱國

詳墓志



張克儉字禹型崇正辛未科進士授輝縣知縣六年春
賊犯輝縣乘城固守賊不能下久之遷兵部主事被
薦召對稱旨十三年擢湖廣僉事監鄖襄諸軍楊嗣
昌鎮襄陽命爲守禦備深倚仗之明年春命安輯降
盜克儉上書嗣昌言襄陽自古要區今筦鑰獻陵視
昔尤重近兩河飢民雲集新舊降丁逼處其間一夫
叫呼卽足致亂况秦兵以長武之變西歸鄖房軍府
初立隆營基置奚帝放虎自衛崇漢西與初無重門
之備何恃而不恐嗣昌不以爲意報曰昔高仁厚六

以留務錄破賊功加右參議監軍如故未幾以本官
移守下川南道鄖陽巡撫袁繼咸奏留之十四年二
月擢右僉都御史巡撫河南未聞命獻忠假督府軍
符誑入襄陽城克儉倉皇奔救襄府爲賊所執大罵
死按明史通志俱以克儉爲屯留人郡志作長治人誤

申周輔崇正間以貢授臨淄縣訓導倜儻有氣節居官
日進諸生迪德訓行講論經史尤以器識爲先後遇

寇難死之

申佳允崇正年死難諡節愍公詳遷徙志

義士

後魏

栗法先按魏宗室文莊王元熙弟略位給事黃門侍郎

熙敗略潛行自託舊識河南始賓始賓便為荻筏夜

與略俱度盟津詣上黨屯留縣栗法先家法先素信

義忻而納之後復從刁雙從子昌潛遁江左肅宗時

梁蕭綜以城歸魏其長史江革司馬祖暉將士五千

人悉見擒虜肅宗勅有司悉遣革等還南因以徵略

梁乃備禮遣之置酒餞別賜金銀百斤百官送別遣

其右衛徐確率百餘人送至京師肅宗召光祿大夫

刁雙竟首勞問又勅余州易置後討于延除略侍

中義陽王食邑一千戶還達石人驛庭詔宗室親黨
內外百官先相識者聽迎之近郊賜帛三千疋宅一
區粟五千石奴婢三十人其司馬始賓除給事中領
直後刁昌東平太守刁雙西兗州刺史以法先爲本
縣令

唐

常舉字益德萬歲通天初以年躋九十三特授縣令其
年卒墓志稱其忠信表於州閭孝敬光於黨壑

明

李子實原籍江南桐鄉元末避地卜居屯留城內明興

以布衣謁太祖於金陵陳便宜事上大嘉獎曰是民也而忠吾國命司徒爲立忠民戶以旌異之其後孫達御史玉祁州知州裔孫之茂按察僉事都生舉人冠生貢士科甲累世閱閱蟬聯洵邑之望族也

范友亨凡婚喪貧不能舉者悉出資以濟間有貸者不責其償恭臬邵司皆禮待正統五年輸粟千石助賑旌爲義民景泰七年復納米四百石赴部冠帶

馮璽多助婚喪出粟千石濟饑成化十八年給以七品

散官

易希賢友人馬裔寄金於希賢而裔子幼不知也希

賢舉以歸其子封議宛然邑人咸以爲古風

杜印靳榮周公政邈增王新石臺正統七年各輸米千石助賑旌表爲義門

范桓石蓮邈倫邈敏張翱成化間各捐賑米八百石旌表冠帶

路聰強幹急義排難解紛而不受報成化中寇入潞澤轉掠橫甚聰請於官糾衆設伏縛其渠魁縣令被誣貧不能歸聰倡義爲治裝送之還鄉又嘗說橫瑞使自戢其他蠲助猶細事至孫王道發解成進士官至

光祿寺卿

郭思極萬曆十四年大荒思極以母萬氏命出粟千石
賑濟之事聞建坊旌其母併極云

申宏才萬曆己酉舉人任河南汝甯府通判致仕鄉居
見差糧加派力請蠲除民困以蘇舉鄉飲大賓

李象龍貢生孝友視躬寬和待人慷慨樂施鄉黨共稱
其義



孫家正生員家貧盡孝淡靜自守足迹不履公庭貞操
見稱鄉里隣舅氏乏嗣慨舍義田六畝以爲祭掃之
資其仗義疎財類如此

楊暄順治初年汾州等處逆寇跳梁 天兵抵太原因
地勢未悉逗留不進先是冀南道高公討陽城土寇
暄弟武舉暄時在道徭效用從軍有功至是薦暄鄉
導暄適抱病暄往爲前驅平寇委署孝義典史又逆
賊王家蔭等寇潞澤暄與弟暄復迎大兵征進賞山
東長山縣縣丞卒於官

楊暄武舉充營兵名入闈中式事詳兄暄

段藍田生員家頗殷富恤孤濟困救病憐貧尤篤宗族
有九歲幼子吳最鍾愛被族人子擠入井中雖甚悲
慟不鳴官求抵曰吾何忍一本相仇也族人怒撻其

子欲置之死急往解救上黨名士程之珫慕其行爲
作義士傳記之

馮宗堯號少宇富於貲性好施人多稱貸不能償者輒
毀券里中有婚配愆期者捐貲助之又代人輸賦嘗
戒戚屬曰吾儕完納錢糧猶子孫之供養宗祖也義
不可緩辛未歲饑設粥食餓次年春給散籽種外又
出雜糧五十餘石糠數百石鄰近村莊賴以存活者
甚多至於宗族尤加意篤厚收養孤幼賑恤貧困近
屬弟姪皆代爲經畫生理務使各有所倚而後已其
處卹黨公直信義爲人解紛息爭無不屈服邑侯馬

閻二公各舉鄉飲耆賓一次

馮沂字魯漪附貢生居家以孝友稱尤喜施給起塾於家貧不能讀者得卒業焉造就甚衆峻山神祠爲邑中巨觀乾隆中沂出資倡修巍煥踰舊至今里人猶多稱之以至簿注選加理問銜未仕卒

李天相爲人慷慨負膽略乾隆中縣與長治長子以爭金龍池地構訟累年天相爲排解日給具邀其社長以義勸曉羣折服及訟息地卒歸縣鄉人爲釀金償其酒饌所耗堅不受縣尹焦公嘉其義給匾旌之曰才猷幹練

郝步瀛隱居教授耿耿自信家貧時不舉火有饋之粟者拒不受鄉里有以事相爭多取決焉

李晉字永康武生行誼爲鄉里所推重戚族中婚葬不給者多賴以濟縣有大役必力襄之甚爲邑侯鄭所

矜禮以輸餉議敘武信騎尉

馮珽侯選州同仗義疎財道光三年捐修本省貢院太守王贈匾曰奎壁增輝

苗治禮貢生素慷慨尙義推解不少吝道光中嘗出錢數千緡繼馮沂修峻山祠

易國賓諸生授徒他鄉性耿介一錢不苟取鄉鄰有爭

訟必多方勸解羣推長者髮逆之變土匪乘間劫掠
典肆一空次及其村國賓正言曉解羣斂手去其爲
人所服若此

呼鳴崙歲貢生賦性樸誠內外如一遇鄉鄰有爭多方
勸解村中不興訟者數十年待人則棄短取長終身
不道人非

李莊國學生喜施給重然諾麟山書院初闢多資其力
膏火時有不給輒出已資籌備凡數年不少松自奉
甚儉約而日必煮粥二次以待餓者鄉人德之

李芳諸生性純謹與人恂恂然而遇義必爲鄉人有不

能婚葬者皆周之其課子姪尤有法度

王配京字周德歲貢生嚴敬持已寬恕待人取與不苟
行止端方尤好排解人有爭訟必極力勸止雖費已
貲不惜

孟上元字旋吉歲貢生五世同居幼失怙貧不廢學暇
即請業於師苦讀爲子姪先其家蒙 恩選食廩餼
者皆公所造就咸豐三年髮逆密邇督城工辦團防
視如已事年近八旬重道尊師循謹不失弟子禮尤

精醫術救活多人

連餘盛字日增議敘布政司理問持躬謹勤活家儉勤

光緒三年大祲助粟閭里村人感之

孝子

漢

鮑昂永之曾孫字淑雅父德被病數年昂俯伏左右衣
不緩帶及處喪毀瘠三年抱負乃行服闋遂潛於墓
次不關時務舉孝廉辟公府連徵不就卒於家

後唐

韓德累世同居母死廬於墓側累年種瓜供祭有合歡
同齋之祥詔旌其門

明

韓德累世同居母死廬於墓側累年種瓜供祭有合歡
同齋之祥詔旌其門

李清性至孝母歿依禮殯葬廬墓三年有狐兔馴擾之
異詔旌爲孝子門有詩見藝文

張拱端邑庠生讀書重本恭順慈顏父歿禮葬畢遂廬
墓三載形色哀瘁幾傷生觀者無不感羨提學道批
有司以禮相待以勵偷俗俟終母養會題旌表蒙察
院匾爲孝子門

周世隆成化年歲貢任直隸高陽縣丞天性至孝恪共
子職鄉里稱之

韓仁賢天啟甲子舉人事親惟志溫清定省而外更能
得其歡心時以純孝稱

馮虞生崇正年歲貢任安邑縣訓導性純誠事親至孝親有所欲曲意承歡時稱其孝內外無間言

國朝

靳魯性至孝家甚寒自食藜藿奉親必以甘旨且父母性嚴每有責輒歡顏受之一日父病篤涕泣視天願以身代嘗糞甘苦以卜安危父疾乃愈人以爲孝感所致明季學臺以孝行優賞三次於順治間以恩貢除鞏昌教授

靳遜順治年 恩貢考授州同事親克孝鄉里共稱

霍芝字仙源號德齋邑庠生爲人長厚性嗜學因母路

氏病遂精研醫意晝不離側夜不解帶自調藥餌者
二十年母病以愈父翌年六旬染瘕症三載不能步
履芝出入扶持多方療治並無難色父病亦痊後父
母各以壽終時芝年已邁哀毀骨立追慕不忘舉
飲介賓知縣梁重其品舉優行子嗣周孫達俱庠生
孫奇字象陽號淡庵順治間拔貢任浙江甯海知縣奇
少孤事母至孝於弟友愛甚篤在官多善政嘗雪冤
獄人頌如神旋里後宦囊蕭索孝友益摯

馮卜世字吉徵庠生性仁厚幼時出就外傳屢歷寒暑
非得父手書不敢歸既入泮即力任家務未復令孀

其父惟豐衣美食以致安養父病日夜伏侍衣不解帶居父喪哀毀骨立殯葬如禮母患嗽疾遇冬加甚卜世左右扶持如事父時延良醫多方料理母病漸愈母性仁慈好施命助人婚葬卜世順從無難色又最友愛父以其素有眼疾懇於恩試命持金捐貢卜世因季弟白衣輒爲捐監少有私積父歿後俱解囊入公兩弟感悅鄰里莫不歎服

李鍾奎 魁 子順治間歲貢承父祖詩禮之傳動
必以義克孝克弟

任仁字天爵雍正間歲貢家貧敦孝行母死廬於墓側

讀禮課徒三年閭里公舉其孝

馮盛世以諸生相職州同幼有至性弱冠時府試首列

其父忽染重病適院試期迫父促之行盛世流涕曰

兒方寸已亂豈能作文即赴郡延醫回至漳澤值暴

雨水發徑行渡河中流衝沒居人救之獲甦因具酒

壓驚盛世曰吾父病危吾能一刻甘飲乎抵家父病

尋愈人謂其孝感所致其事母一如事父母素有嗽

疾盛世親供湯藥調理漸愈後父母歿哀痛迫切

祠朝夕祭奠每遇令節必竭誠致祀於兄弟尤為友

愛小異...

陳觀光國學生年甫童事親造次以禮里黨皆奇之及長服勤茹養而盡其職父疾延醫遠方躬侍藥餌衣不解帶者年餘乾隆庚辰以母命修葺廟學自殿廡及戟門一力任之諸生爲立石以記

馮佐世字輔廷事親克孝建坊旌表

吳文耀諸生幼出嗣季父父歿嗣母性嚴厲每值母怒必長跪請罪委曲以求歡心母悅乃起母疾朝夕籲禱侍湯藥未嘗少懈

武時中太學生躬耕以養其親晨昏定省動必以禮遠

近以孝聞

李棠幼貧年十四始就傅力學爲諸生學使蔣器之命肄業晉陽書院以親老艱養辭學使爲歎息稱爲孝子後親歿哀毀骨立幾至滅性既除服猶悲泣不置楊述時諸生性仁愛幼力學教授以養其親甘旨必備鄉人皆稱之

宋顯翼以孝著諸生多題詩以贈有萊衣彩戲雙親悅之句

徐應鵬家貧力農父患病五載朝夕侍奉坐臥扶掖未

嘗也適有事則吏子至代之濡慕之清躬身如一

徐步月監生賦性肫摯二十九歲喪母終日憂思遂致
雙目昏暗其父謂曰汝倘失明何以事我自是強飯
服藥目復明父有疾不肯服藥步月捧藥而哭父感
其誠遂服之尋愈每事父曲意承歡不離左右夜宿
時一枕之上常備五巾遮風拭淚反側俱便又親滌
溺十年如一日也其父自八十以後不能步履
每遇出門近則一人背負遠則與弟步青等用竹竿
縛椅一人護持兩人擡之事繼母一如生母鄧縣主
贈匾曰老萊遺風

弟



彭珍字洪珍曾祖敵高齊時官上黨太守因家焉父亮
喜賓客博通詩禮官上柱國珍居家至孝處兄弟怡
怡然有共被傳衫之美



王勣字世卿庠生少孤惟兄命是從年十三伯兄患癩
日夜依依寢食不離懼兄殞命禱神願以身代已而
兄愈後仲兄染疫勣與共牀褥親調藥餌疫卒不染
有姊適宋老而寡獨勣迎歸養承候寒暄終始不懈

方以壽終其公之弟亦不如此

王丙寅諸生幼孤鞠於兄及長事之甚謹飲食必偕事
必祇告而行兄亦友愛備至及兄卒終日悲泣每獨
居若聞兄咳聲於外者出視之闐然方知兄已逝如
是者數年忽忽成疾醫藥無效一夕夢兄語以病當
服某藥如其言竟愈

馮照恩貢生善事兄兄三人皆前母所生也照年十
四遭父憂從兄受學寢食與偕終身無少忤兄卒撫
其子教養備至雍雍然有古誼里黨稱之

循良

唐

字洋林前內州刺史德報甲冑貞觀中官上

苗裕字君綽隋初州貢進士射策甲科唐貞觀中官上
黨郡王簿有能譽特授朝散大夫年八十六卒

元

宋思齊以儒吏兼通任武備同知陞潞州判官歷仕至
陽武縣尹爲政尙德化不事鞭朴有古循吏風

明

王蕡登洪武丁丑進士授定興知縣因逗留中貴調虞
城居官多惠政民懷其德發奸懲暴巨猾皆斂迹竟
被閹宦中傷罷官時論惜之祀鄉賢

王春學純行潔以貢士歷仕至陝西參政歸之日行李

蕭然一時皆服其清操祀鄉賢

李本洪武時以貢士歷仕戶部主事監督倉場清釐宿弊胥吏畏之祀鄉賢

李春洪武時以貢士歷任山東僉事時有疑獄久不決春力爲判斷刑訟平允祀鄉賢

楊庸永樂時以貢士任陝西綏德知州慈和樂易民愛之歷陞河南左參政祀鄉賢

韓瑄永樂間歲貢任陝西鄜州知州潔已惠民守正不阿循理治事無少偏私祀鄉賢

楊弼永樂甲午科舉人任臨淮知縣性廉明綱舉目張

政教嚴肅祀鄉賢子旃舉人邵歲貢

王紹正統乙丑進士累仕廣東副使居官多異政部民

服其明察學問淵博爲時所推祀鄉賢子廷琛任陝

西臨洮府同知

馮斐正統丁卯科舉人任廣西道監察御史陞陝西按

察司僉事整綱飭紀激昂允當祀鄉賢

尹璉天順間歲貢任河南唐縣知縣性剛毅秉公執法

政令嚴肅

姚唐以舉人登嘉靖丁未科進士任江南松江府推官

生簾絮居官清苦治獄詳明寡親尤孝以母憂哀毀

而卒

靳祺歷陞太康縣主簿居官大有政績所至循聲載道
郭包田隆慶丁卯舉人任山東文登知縣居官多惠政
興利除害四民安堵去官之日登民戶祝

陳簡以舉人登萬曆丁丑進士任吏部主事陞糧儲道
按察司督運使卒於官贈光祿寺卿品望端重才猷

卓著

李思謙字養德弱冠中隆慶丁卯舉人八上公車不遇
年五十就銓武陟令天旱露禱索神不應夢一老至
曰乞寬晨起索舊獄得一婦毒翁事詢之則翁耘婦

饑以餐懸古樹上翁食而殞不知其由公曰得非糶
臺子劈樹獲巨蛇婦冤白是日大雨臺司奇其事旋
撥一疑獄趙科案思謙一鞠成讞時稱神明有推官
某索賂袖百疋不應中其蠶改布政司檢校擢漢中
通判乞骸歸思謙清貧好讀書年幾九十卒之日囊
橐蕭然惟書數千卷而已子瑤貢士知縣璫恩貢孫
鍾庚進士鍾奎貢士曾孫楷舉人

霍騰萬厯間恩貢任遼東廣甯左衛經歷撫恤兵民種
種芳躅士民稱頌贈奉直大夫子應麟知府應鵬教

李都生之茂子萬厯己卯舉人任河南靈寶知縣廉明
正直于毫不苟卒於任靈邑立祠祀之

力業耕資子萬厯間歲貢任陝西會甯知縣性寬平風
清政和不尚煩苛

暴所養孟奇子萬厯時貢士任肥鄉訓導造就多士嘗
署縣事革除馬弊甦民命民皆德之子謙貞

郭思孝包田子萬厯時貢士歷任遼陽衛教授歲歉民
多逃亡思孝捐俸賑饑曰吾祿薄不能徧也一時多

所全活

李應選萬厯丙午舉人任陝西文縣知縣幹練精詳屢

著偉績子振采歲貢

李如梧天啓間恩貢任河南原武知縣清操自勵廉潔
素著世以循良推之

國朝

李楷鍾庚子順治甲午舉人任湖廣醴陵知縣愷悌愛
民所至有惠政人咸德之

王翰侯屏侯弟字憲辟乾隆辛酉拔貢任江南宿遷縣
主簿幹事精勤百廢俱舉循聲卓著共稱其能

馮季曾字偉度號亦東任直隸河工縣丞署固安高陽

縣丞補受可謂是為淳厚原和派世石

定河道耿介自守聽斷公明辦理河工夙夜勤勞以
卓異陞授正定知府告歸後奉 旨督辦團練裁革
錢糧浮費鄉人至今德之

楊中柱字丹林道光丙午解元性奇警嗜學博覽多識

尤精吏事以大挑知縣試用直隸初署東鹿值蝗起
躬率吏民設法撲捕遂不爲災署懷安遇旱徒跣禱
於城北之花山即日大雨合境霑足豐潤爲京東孔
道軍輿差使絡繹民苦供億馬盜又時發中柱至部
伍有法差至立辨事集而民不擾又行保甲令村鎮
皆嚴警備盜亦不敢窺境所在並有政聲長於決獄

大吏有疑難多以委之而用心平恕不以明察爲能
補喪強未到官卒

文苑

鮑照

鮑照永之後字明遠徙東海文詞贍逸尤長於樂府始
謁宋臨川王義慶貢詩言志堪爲國侍郎遷秣陵令
選爲中書舍人時頗多忌賦述不敢盡其才後臨海
王子頊鎮荊州以爲前軍參軍子頊敗遇害

宋

李玉歷官諸路廉訪副使多材多藝事濟民安子汝明

亦博學能文長於詩書官至陝西都轉鹽運使

明

李質永樂丁酉舉人任華縣教諭學深養邃品高行卓
多士翕然景從

楊旃子正統丁卯舉人任陝西環縣教諭才識明敏
博極羣書教育士林多有成績

靳鳴佩萬厯間歲貢任直隸無極縣訓導剛直不阿嚴
絕苞苴多士服從

靳鳴道萬厯間歲貢任蒲州府訓導學行俱優設科教
士不事章句惟期實踐

孫敬祖萬厯間歲貢學行並優及門率多名士子嗣緒
恩貢歷任復軍都督府經歷孫家祥霍州學正家俊
絳州學正曾孫奇浙江甯海知縣元孫肯稷歲貢

孫光先萬厯間歲貢在解州學正孫有傳才讀書題目

成誦

李育岐萬厯間歲貢任臨晉縣訓導行止端方人不敢

干以私

賈學文萬厯間歲貢任太平縣訓導陞代州崞縣教諭

性端方不襲時趨致仕後樂善好施倡修廟宇村人

感佩子光華附貢

郝朝瀚例貢任保定大甯都司經術湛深斷事敦尚道
義

常熙萬厯間歲貢厯陞壽陽縣教諭課士不索修金士
林共頌

霍應鵬騰子應麟弟萬厯壬午副舉任河津縣教諭性
純謹檢躬有型砥礪名節

段采萬厯間歲貢任解州學正品誼端方性情正直所
至多士敬服

龐鳳翥字騰飛萬厯間貢士任陝西略陽縣主簿陞晉
府典寶勤儉治家義方教子孝友世篤尤爲鄉評所

重

龐炳字煥章鳳翥子萬曆間歲貢任陝西鳳翔縣教諭
謙和澹靜不預外事誦讀經史至老不厭

李冠生都生弟萬曆間拔貢平生好學不襲時趨

李瑤通判思謙子思謙以孝廉起家居官清介林居後
閉門讀書惟課子是務瑤能承其家學潛心玩索天

啓間以貢士任高平訓導秩滿遷陝西紫陽縣尋歸

端居一室繹聖學指趣嘗曰尋未發時氣象此古人

扼要所在學者所宜留心也子鍾庚進士孫楷舉人

皆能世其業

孫嗣緒崇正年恩貢任後軍都督府經歷清慎泣事檢躬不苟

李坤生崇正年歲貢才學超卓命不符志

李資材崇正年歲貢任運司訓導勤於課士教鐸有方
李成楨例貢歷任陝西漢中府城固縣主簿四川茂州
衛經歷廉隅是飭義不苟取

李成柱廩監勤敏好學焚券釋通

李席瑞崇正年歲貢任忻州訓導賦性聰穎博學好古

文譽翕然

李主讓崇正年歲貢才識明敏學問淹博

國朝

李鍾庚思謙孫瑤子順治丙戌進士任山東商河知縣
學優才博尤工行草書體兼鍾王懷素一時無出其
右者至今遺跡猶存士爭效摹歎爲莫及

張景行順治辛卯舉人任蒲州學正學優行卓多士景
從

孫奇字象陽順治間拔貢生官浙江甯海縣知縣奇七
歲喪父母李氏厲苦節督奇讀書奇淬礪文名籍甚
及涖甯海有政聲尋投劾歸鍵戶讀書嘗著父子夫
婦昆弟朋友四箴訓其子弟晉人傳誦以爲名言

令屠纂縣志邀奇參考互訂閱三年乃克成書論者
尤多其勤云

孫家祥順治間貢士少負異材文章以古爲法仕霍州
學正教多有成

牛聯奎順治年歲貢任絳州訓導賦性高曠士林矜式
舉鄉飲大寶

孫家俊順治年歲貢歷陞絳州學正與家祥俱敬祖孫
學業深沈博通經史

劉芳譽順治年歲貢任曲沃訓導雅量高致有古君子

遺風

李振采順治年歲貢任河津訓導品學兼崇多士景仰
孫弼政字上卿苦學強識康熙辛酉舉於鄉初任霍州
學正改補遼州兼理榆社和順二學所在爲多士指
授經義士林宗之

孫蘭奇弟康熙年歲貢品端學純邑侯屢薦賓席

宋灝康熙年歲貢博聞強記尤工詩學

高明康熙年歲貢志超行卓文學華瞻

李元品康熙年歲貢工字學規摹二王得其神似

暴子温康熙年歲貢善屬文工詞賦名馳潞澤

段巖康熙年恩貢品誥端方志行修潔奔競不事士

庶楷模

尹儀康熙年歲貢學優行端成就多人

陳至誠雍正年拔貢性純謹品端行優士林取法

孟獻璋雍正年恩貢學有根柢郡邑知名士多出其

門子孫世守遺經青衿林立

尹光世乾隆年歲貢任夏縣訓導宿學純儒士林欽仰

夏邑知縣保舉看呈云年健政勤訓迪匪懈

暴煊拔貢中乾隆己亥恩科舉人任武英殿收掌授

福建福安知縣兼理壽甯松溪政和巒政丙午戊申

鄉試同考官學深養遠不尚模稜後以骨鯁被黜人
咸惜之著有偶爾集待梓

尹國梅乾隆年歲貢持己嚴正學問淵深一時知名之
士多出其門

李九標乾隆五十年創建辟雍標赴京 御試圓橋

講畢蒙 恩賞給大綉一端白金一錠次年之鶴壽
五台隨巡撫伊接 駕於阜平縣界廟以頌萬壽蹟
列 恩貢嘉慶戊午又蒙 特恩欽賜舉人

郝寶嘉慶年 恩貢博通經史能詩善書著有詠史詩

徐人龍嘉慶年 恩貢講學純陽宮從之遊者甚衆時

以所得脩脯資生徒之貧乏邑令唐極尊禮之

孫廷佐嘉慶辛酉拔貢爲人豪邁不羈讀書過目成誦

學使黃接臨潞郡拔取九學第一

段龍雲嘉慶年歲貢工詩歌尤喜顏柳歐蘇書法設立
家塾日與生徒講習其中外事不預也

李耀先嘉慶年歲貢博學能文庚申鄉試文已中式以
抽卷失之房師顧玉書歎息不已給匾曰黨天宿儒
馮起蛟嘉慶癸酉拔貢五台 召試賜匾曰彤廷獻頌

李仙垣嘉慶年歲貢博聞強識老而不倦多士之來學

者不較東脩欣然施教平日非公事則不履城市之中

常百齡道光年恩貢古好學尤善草書人爭寶之
王毓峰道光乙酉拔貢即望超卓學業淵深郡邑知名
之士多蒙造就

武憲烈道光年歲貢學問深純尤工書法

馮騰蛟道光年歲貢嘉慶辛未偕兄起蛟與五台 召
試學使周見其所作甚獎之稱爲二難

王在鎬道光年歲貢博極羣書文名藉甚著有勉學詩

遠近爭誦之

孫人龍道光年歲貢賦性寬和與物無忤課徒教子以躬行實踐爲先故及門多恂謹之士子弟無儂薄之行

王毓秀道光年歲貢經明行修廉隅自飭任壽陽縣訓導多士景從

楊育山道光年歲貢性情曠遠一生不形人短不矜己長奈屢薦不售遂以文詩自娛設館授徒成就人材甚衆

馮錫晉道光丁酉拔貢博學嗜古爲文有奇氣尤長詩賦駢體王講麟山書院造就甚衆而累舉不遇以監

修城工督辦團練襄敘擢大理壽評事卒不

申瑞運道光己酉長貢性博學內行純摯教授鄉里所

造就及百餘人邑令多敬禮之延王書院講席以直

隸州州判註選未仕卒

孟作霖咸豐年恩貢性樸訥不襲時趨尤能文清真

雅正下筆立就

李東霖同治甲子副舉嗜古強學尤攻義經

原富海同治甲子副舉沈靜謹厚不涉虛浮選垣曲教

諭未赴任而卒

劉德崇同治年恩貢質魯嗜學苦讀不厭性尤耿直

內外如一遇非理直斥無隱雖宵小亦憚而服之至
恤困窮解爭訟仗義疎財種種不可殫述村人感其
德爲贈匾曰一鄉善士

武烈

齊

杜龍任忠武將軍幼嫻武備束髮從軍掃除妖孽立功
於橫草遐荒干城爪牙中外欽仰

唐

杜暉龍孫授開府儀同三司神機英偉文武兼備保固
城邑捍禦兇徒功效之隆克紹祖武

崔通性果毅懷橘之年早抱雄畧乾封元年正月高宗
東封泰山崔以軍校從行雲亭屢畢社首告成功烈
足褒特授驍騎尉

以上俱
詳墓誌

明

姚一龍武舉科職未詳時盜賊擾亂擒寇有功

馮薦舉百總爲撫標下材官藝勇超卓才品堪稱崇正
十六年守禦東陽關有功

列女

劉向傳列女以后妃爲首蓋聖女之幽閒貞靜化及
江漢女子皆以純潔自守曾子固序其書以爲文王
之躬化使然誠哉其言也邑俗素稱純樸婦女多尙
節義凡縉紳士庶之家或慷慨殉烈或苦志守義代
不乏人

國朝旌表節烈更不勝枚舉由女子之行想見俗尙之
美推本

聖天子之躬化二南之業不將至今存與

烈婦

明

張氏中村里張銘女年十七適本里王廷秀克執婦道
越二年夫適疾將危張跪謂夫曰爾勿爲我慮我必
爲爾從遂密赴後園自縊夫婦同葬鄉人無不痛之
申氏生員朱師濂妻師濂卒三日勺水不入口曰未亡
人爲將亡人矣家人不爲意夫殮畢引刀自刎而死
段氏生員劉禧妻年二十夫亡從容殮夫畢至夜自縊
兩柩並列於庭柩下忽產靈芝草二莖鄉黨傳爲異

事

國朝

王氏副使張克儉妻克儉監軍襄陽抗節殉城氏孀居
無子姜逆之變避難故縣土洞中賊攻垂破氏曰我
命婦也義不受辱投懸崖死

李氏庠生程湔妻夫亡時遺三子氏盡心愛養越期年
次子三子相繼而歿氏乃撫長子廷棟爲娶婦延師
課讀未幾廷棟亦亡氏泣曰未亡人之所以後死者
爲程氏宗祀計耳今三子盡亡不死何爲仰天號泣
十餘日不食而死

傅氏崔郭里苗岳村馬時崙妻崙病篤知必不起謂傅
曰我死汝將安歸傅泣曰妾有從夫於地下而已崙

死既驗尋自縊翼日奴來慰問呼門不應毀窗視之
已絕縵中矣傳面目如生衣裙整肅連綴甚固掃除
室內極其清潔洗滌爨器安放不亂爐內焚香時猶
未盡其從容如此事在康熙五十年傳年二十七歲
有詩見藝文

王氏武福只妻夫弟汝彪素無賴一日以惡言相誣氏
聞大恚遽投縵死事白官爲之請旌而置汝彪於法
馬氏馮通元妻夫死哀毀不食家人婉言勸慰氏含淚
不作一語遂自縊死

周氏張新年妻十九歲夫亡將殮自焚衣服燬焉死

哀痛迫切月餘而卒

孫氏路通義妻二十餘歲生一子嗣於其兄夫亡孤寡
無依族人欲其改嫁氏愀然作色曰與其事二夫而
生不若從一夫而死夜遂自盡

陶氏常羣保妻適夫年餘夫患痘疹而亡氏問祖姑曰
夫婦合葬為時幾何祖姑未會其音答以百日外氏
於燒百日紙時就墓奠哭遂自縊死

原氏孫釗妻夫亡夜半投井而死

張氏段文元妻武氏李毓芳妻王喬氏

王段氏 田衛氏 孫源氏

烈婦

栗王氏

原

氏李殿芳

附錄九

節婦

王益六

明

張氏生員李琪妻年十八琪亡子鍾岳甫二歲張引刀

刺面堅志不奪壽七十五卒琪弟李珽妻鄭氏年十

五歸珽閏七月珽亡誓不他適足迹不履戶庭鄉黨

以雙節稱

李氏申餘銀妻年二十七夫故明季盜起負姑竄徙十

數年無甯晷姑卒無恙子一契撫成列邑庠士林欽

其賢悉敬禮之

郭氏宋村里郭子成女十五歲適李朝卿越四年夫歿
遺男之茂家貧紡績孝事翁姑守節終身內外無間
言後凶子之茂貴於嘉靖四十五年誥封太孀人隆
慶元年加封太淑人奉 勅建坊

段氏土村里段金女年十七適生長張承輔遭疾早逝
段年二十一歲翁子僅一女未週歲深閨紡績孝事
翁姑俱壽終慈親夫嗣盲族姪張應奎爲子教養成
立鄉史齊公上其事旌爲貞孝門

鄭氏馮邦器妻十九歲生一女夫亡潛緝姑解救葬夫
畢以遺資分族人紡績撫其幼女及笄亦亡勞勞

立事其苦... 題請旌

李氏太學生中所見... 二十三歲長子宏才

八歲次子... 子出就外傳... 則經

家業夜則... 二十年宏道入泮

幾天亡遺妻... 守節李歎曰吾夫

天次子又天... 節久彌堅宏才中已酉鄉

試入咸謂... 一門二節也

李氏廩生暴所學妻御史李之茂女也學年十九亡遺

長子忠貞甫二歲次子元貞方十曰有求婚者使老

嫗微窺其意李曰吾祖母貞孝節... 為

毓之行哉自是誓不易節育子成人長子廩生次子
庠生邑侯陳公永年上其事蒙 恩旌表

郭氏庠生暴所性妻性年十九亡遺子恆貞二歲郭年
十八矢志無二不出閨門蒙 恩旌表

常氏馮王擢妻擢死常年二十子祚亭年五歲里中少
年見氏切欲奪其志常引刀欲刎曰吾頭可斷而志
不可易也教養其子補邑弟子員壽七十以節終蒙
恩旌表

楊氏楊榛女適李道隆歿楊年二十有二生一子名士
安未週歲志欲紡績育子讀書始終無異後三世茂

才相繼人咸謂其遺報云

郭氏學人王彌妻彌早卒郭年二十有二時有豪貴求婚者郭叱曰吾夫弱冠成名妾雖無子當守夫志誰敢奪耶求婚者慚畏而退竟以壽終

王氏年十八適生員李楠越三年夫歿子女俱無茹檟飲水絕無纖滓歲大饑富人嘉其節周以粟王厲拒曰吾孀婦何以受此竟卻之聞者莫不敬重壽九十卒

王氏七泉里儒官王爵女年十八適苗隆隆歿遺子啟

東方歲餘舅姑皆垂白王堅貞養育親懷壽終子勤

儒業年七十歲卒始終無異志焉

張氏蓮池坊李梗妻梗隸壺關邁疾卒張易衣服具棺
木歸葬時年二十有四紡績課子子亦天卒勵操孤
苦終不易節人感重之

韓氏韓政女十七適宋朝臣生子三歲夫亡韓年二十
有二誓不易節六十有七以壽終

郭氏忠信坊郭正芳女十六適文奎坊趙雲鵬生子歲
餘鵬歿郭孀居育子內外無聞言

李氏遵政坊申福妻年二十四福歿遺男文興甫一歲
育成人娶常氏文興尋天常年二十七遺子良二歲

及良長娶李氏良又早夭李年二十有五遺男錫亦
六之歲三氏共守孤孀度日甚艱李氏備織奉祖姑李
氏姑常氏尤為恭順俱以壽終李氏亦八旬卒

楊氏文奎坊王文淵妻年十九生子盱未及期夫亡紡
織度日育盱成人娶韓氏年二十四生一子名堯聘
盱以吏卒於京韓扶柩歸葬養姑無忤顏堯聘娶霍
氏亦早卒霍守節不失姑志事楊韓各以壽終鄉人

稱爲三世所難

李氏文奎里劉一清妻一清卒李年二十三歲子芳譽

年方四歲次芳躋年一歲李悲號不食鄰媪恐其死

以二子之幼勸之李正色曰二子何足論吾姑年老而瞽吾若以死從夫吾姑何人奉養後生事死葬罔不循禮長子授曲沃訓導次子庠生皆李之力也屢蒙三院匾獎節孝享年八十二歲卒

宋氏蓮池里張龕妻龕死遺產頗豐宋年二十五歲一子騰雲年三歲放棄欲謀其子而吞其產多方欺凌宋終不改志飲食起居與子刻不相離其子始能成立三院屢獎壽八十二歲終騰雲歲貢

霍氏申周屏妻知府應麟妹也年二十歲夫故子女俱無霍志不他適守節終身隍匾玉潔冰清

李氏廩生徐一耀妻耀故李年二十歲子階甫一歲繼
姑張氏欲奪其志氏號泣曰一失身後子被人打吾
被人罵不如與子俱死之爲愈也姑意遂寢李孝事
其姑始終無異志上司屢賜花布匾其貞節

馮氏邑學生李席珍妻珍故馮年二十五歲長子成民
方二歲次子動民尙未產家貧馮以女工育二子壽
八十五歲蒙院獎賞

陳氏逸民李成章妻適李之日氏方十六歲家極貧荆
釵裙布勤於紡績夫妻相敬如賓二十歲成章夭

亡遺長子方二歲次子未彌月陳氏號泣

勸止糟糠四十餘年屢蒙院獎賞



蘇氏仁義坊東賈村陳洪恩妻年二十三歲洪恩死遺

子俊品甫三歲姑老且病或勸之再醮氏泣曰予若

他適姑孰與養是速之斃也遂引刀刺面血流徧體

誓死不移竭力奉姑十五年不懈姑以壽終子俊品

亦補弟子員家聲不振諸孫林立人咸以爲節孝之

報

李氏邑學生孫家彥妻彥易簣之日長子奇七歲次子

蘭甫三歲孀其兩兄曰弟病篤必不起兄理弟產

各教養一子勿令失所足矣餘無所言而卒時李年
方二十三歲恐其乏柏舟之誼也李氏矢志守節不
令子歸兄舍產屬他姓茹荼飲檠晨昏紡績爲教子
計閨壺之內懍若冰霜竒以拔貢授甯海縣令蘭爲
歲貢生孫肯構府庠生肯播邑庠生肯獲歲貢生肯
垣邑學生肯墉邑庠生曾孫紹衣邑庠生紹文邑增
生享壽八十二歲縣尹孫屠林梁高其苦節各爲匾
詩以旌表之見藝文志

段氏庠生徐兆祉妻義士生員藍田女也幼嫻姆教知

婦德兆祉早亡氏方十九斷髮絕粒欲以死從夫

姑亟勸乃止徐初原係富室後生計漸促貧窘日甚
氏除將所有妝奩變易薪米外辛勤紡績以給衣食
沒齒無怨善事舅姑生供甘旨死葬以禮撫孤成人
娶媳生孫媳亦早喪復鞠育二孫諸艱歷試鄉人嗚
其事邑侯陳公匾曰節操冰霜壽七十三歲卒二十
郭氏生員郭廣之妹年十六歲適生員孫纘爲妻甫四
載纘卽病故止遺一女時氏十九歲未幾翁姑相兒
相繼而歿上而四喪未葬下而三女待哺日夜焦勞
泣繼以血靡不葬祭盡禮後集親族而告之曰三世
一身所恃以不絕如縷者惟吾耳求爲嗣繼衆乃擇

長支次子八愷入繼愷亦能克守先業今其孫枝竹
立丞嘗永薦者皆郭之賜也守節三十九年享壽五
十八歲於康熙五十六年卒

尹氏庠生霍嗣周妻貢士尹儀女也頗識書字知義理
嗣周故尹年二十三歲子達甫七歲尹撤膏沐矢志
守節事翁以孝先意承志課子讀書弱冠入泮三十
年來飲冰茹檟鄉黨無間言縣尹嘉其節屢賜匾以
旌之年五十一歲卒

郭氏郭南里民羅光輝妻溫柔賢淑生一子一女光輝

早亡氏方二十餘歲茹荼集蓼納媳嫁女子雲鵬亦

天道妻楊氏改適氏孤苦伶仃沒齒無怨

萬氏民人苗大秀妻生子鬱方在襁褓大秀早亡氏年

二十五歲上事其舅下有四叔俱幼賴氏撫恤成人

教鬱嚴慈兼盡鬱入泮後亦早夭遺妻馮氏效姑守

節撫孤著令讀書以繼先業一門二節鄉黨稱之

氏儒童苗彰妻生子端未週歲彰亡氏方二十二歲

矢志靡他孝事翁姑克執婦道未幾姑卒氏念翁

居不便力贊續絃復事如前姑又以夫學未成而天

刻意訓子以繼夫志端果早年入泮人皆謂氏苦節

之報

孫氏邑庠生羅雲衢妻年十七歸羅歲餘生子煥章甫
週月雲衢以病亡舅姑慮氏青年恐無柏舟之操與
應幼孫未即成立謀以族人子入繼氏聞而泣曰是
將置吾母子於何地也願矢志靡他此子必成請舅
姑毋慮事遂寢於是堅意守節煥章七歲即令就外
傅日夜勸讀未及弱冠補邑弟子員錚錚有聲時舅
姑已老養送有禮俱無遺憾邑侯趙聞其風嘗賜匾
獎之

楊氏路朱桂妻朱桂早亡楊年十九生子仕登未週歲

前每言矢誓不改節爾戶餘人欲奪其倚門而

立即母氏之家亦未多造

李氏程錫祜妻夫歿遺腹生子公氏苦節鞠之既長就
傅日以鍼帶所得潔甘旨奉師而自啖粗糲公後受
知於學使吳補諸生泣陳氏苦節學使贈以詩曰痛
哭情何極甯知淚眼枯此身非惜死飲恨爲遺孤不
信霜威重還憑勁質扶巴清誰有傳苦節可同無
郭氏陳明新妻年二十一而孀子芳甫免乳貧藉紡織
以自給芳後以醫名診治多所痊活謝以錢悉不受
蓋稟母訓也

李氏諸生馮聯第妻青年守志言笑未嘗稍苟道光二

年旌

戎氏程敏妻敏卒撫子居中就傅偶廢學氏輒涕泣不食居中因是愧勵日夜奮讀成名後官臨縣汝諭

宋氏馮瓠妻瓠早卒遺一子其翁謂已年老孫孤教養全賴乎媳耳氏即剪髮自誓不負翁意道光二十二年入節孝祠

李氏庠生馮周祐妻十八歲寤生一子其叔少不更事氏不惜餘力爲叔授室俾立家門子弱齡常諭以隅坐隨行之道曰此我馮氏家法也

王氏常大綱妻十九歲夫亡氏依姑茹養矢志無他

申氏苗世莊妻年二十三夫亡哀毀幾不欲生所親責以存祀氏守節撫子而終

申氏毀洗妻夫亡絕飲食者三日誓以身殉嫂郭氏勸以撫養子女守節爲重氏方進飲食居貧自守從不
出閨門氏堂兄某勸之改適氏曰生而失節死無以見夫地下兄再勿出此言也至今守節四十餘年
共以節婦稱之

魏氏李瓊管妻夫亡時氏年二十四歲生子未及週而
亡氏守志四十六年人以節孝稱之

徐氏張成妻夫亡時年二十九歲生子榮先中卒早亡

撫孫聚敬聚明聚敬又少亡又撫曾孫羊孩守節六

十七年志四十六五人

羅氏陳昌緒妻夫亡遺子輔周方數月撫養成立卒時

年六十守節三十八年共以節孝稱之

李氏陳輔周妻夫亡遺子璞甫氏延師訓課二子俱已

入庠至今守節三十九年鄉人公舉節孝夫婿亦無

徐氏李榮慶妻夫亡時立志守節族人因氏家貧懇其

累已勸氏改嫁氏曰吾節甚貧斷不累及他人誓終

不肯他適專以紡績爲生活嗣本族有華爲子教之

或立守志三十二年人稱其節更甚本俗也

孫氏韓周墜妻年二十六夫亡子甫一歲氏勤苦二十載始以家事歸其子子亦能慰母心

馬氏楊淳妻治家教子皆有義方子魁元遊庠

張氏常鎖街妻一生備歷艱苦不形於色

楊氏陳廷文妻年二十八夫亡子甫二歲氏立志守之
郝氏全進寶妻十七歲于歸夫家極貧後夫故訓子業
農鄰人勸氏嫁氏叱之

苗氏程二羅妻十九歲夫亡處娣姒待子姪永無間言
徐氏武富莊妻生年六月夫亡苦守二十餘載子又亡
鞠育孤孫終期不墜夫綱

牛氏崔狗只妻夫亡時氏年二十八閱十餘載子又亡
遺係土山氏顧總曰汝好撫吾孫合家門勿替可耳
言畢遂卒

董氏字存誠妻二十七歲夫亡子甫三歲氏傭工養子
三十年如一日

王氏徐寶善妻懷孕三月夫亡後生男氏出入顧復訓
以義方寡居四十餘年孝翁姑睦親族無時不循婦
道

王氏徐文旌妻十七歲歸徐未踰九日夫故氏緘口寡
言足不出戶其翁爲氏繼子子後生男氏覓乳媪不

嘗已出迄今後嗣綿綿皆氏之力也

李氏薛紅孩妻年二十三生子四齡夫亡氏節懷冰霜
平居笑容不形守節至六十有二而終

趙氏董正英妻年二十四生子未及三歲夫亡氏上事
翁姑不使養殮少缺邑侯李聞之嘉其孝

范氏路長根妻二十四歲夫亡鄰人見其無子謂不如
嫁之爲愈氏矢之曰生爲路氏婦死作路氏鬼姪猶
子也奚必已出遂以三姪登瀛爲繼

申氏白雙全妻二十七歲夫亡遺女週歲氏日以紡織
糊口自女子歸後子然一身安貧守志毫無怨言

宋氏魏廣太妻二十四歲夫亡子甫四歲氏治家勤儉
專繕如姑教子耕耘勤以好言慰之惰以身督率之
侯氏段引羣妻二十七歲夫亡族人強逼氏嫁氏貞靜
自守族人後皆感佩壽至七十三而終

曹氏崔唐福妻子婦王氏田氏侯氏夫亡時俱幼各守
一男常效姑曹氏之勤終無異志人稱爲一門四節
李氏路迎春妻十七歲于歸夫亡時氏年最幼而志同
金石惟以孝敬翁姑爲事且躬親操作撫姪猶子

李氏黃存只母父亡時存只八歲性癡賦氏祇知爲黃
氏後若不知其癡也者終日持據以對姑志宜存只

生子妻媼氏喜曰孰謂嬰兒不可以成家哉

楊氏王倫秀妻二十八歲生子三遺腹子一夫故家貧
無支氏日勤紡織以育其子有鄰人來探氏意氏面
責之鄰人鼠竄而去

仝氏楊守留妻年二十五夫亡子甫六歲氏恐子荒嬉
嘗稱畫荻之風以教之

程氏李廷相妻教諭程居中之姊也其母苦節氏素知
之故青年喪耦白首靡他

陳氏程房孩妻年二十夫亡子甫數歲氏拮据二十餘
載乃爲娶媳生二孫未幾子亡婦嫁氏撫孫成人又

二十餘載

陳氏李攀鳳妻年二十四夫亡勞勞無依安之若素

李氏周榮雲妻二十一歲夫亡生子克勤氏拮据十餘

載爲兒娶媳不幸子婦雙亡撫孫德心至於成立

王氏弓九州妻年二十六夫亡遺田數畝氏親身耕種

藉以度日

弓氏王尙富妻年二十六夫故苦志撫孤織紡以外無

餘事

周氏弓義成妻二十五夫亡撫子成立孝事翁姑待姪

輩如已出

原氏李程鎖妻二十七歲夫亡遺子英成氏忍飢哺兒
望其成立後子亦亡終不易節

呼氏王洪瑞妻夫亡時子甫四歲拮据撫育

馮氏徐斌妻二十九歲夫亡守至六十二歲家道漸豐
亦天之報施苦節也

苗氏王璋妻夫故氏恪守閨範里人重之

陳氏苗鑑妻二十六歲夫亡子沛俊方數歲氏苦志撫
孤

裴氏張三元妻十九歲夫故遺腹子名長鎖家極貧氏

堅志撫孤

栗氏羅成麒妻二十二歲夫亡只遺一女氏苦志自守

王氏李世宣妻夫亡氏治家勤儉長夜績麻子成人後

媳早故遺三孫焉氏又撫之成立長孫遇春遊庠

邱氏尹保安妻年二十八歲夫亡三子皆幼族人欲氏

嫁氏誓曰家雖極貧吾豈能舍子他適耶

羅氏鄭庚午妻幼年寓居守至六十二而終

李氏羅達妻青年夫故矢志守節待子姪無異心年八

十而終

王氏鄭如璋妻璋早卒氏事翁姑孝訓二子嚴守節四

十七年

馮氏姜桃實妻青年守節至七十八而終

孫氏常文元妻賦性柔順二十八歲夫亡守至七十八

而終

苗氏郝騰雲妻性質直訓子仰南遊庠

馮氏張修文妻二十一歲夫亡守節三十年

弓氏陳上達繼妻夫亡遺子鎮藩甫四週氏年二十四

矢志守孤後鎮藩遊庠繼妻楊氏年十八歲生子未

彌月鎮藩又卒楊氏誓紹姑志一德不回於三十三

歲時先弓氏卒弓氏撫孫松林成立家門賴以不墜

至今人咸稱一門雙節云

郭氏附生崔輔仁繼妻二十六歲夫亡遺三女氏夔煢
不繼甘之如飴

簡氏王麟錫妻二十六歲夫亡遺子根壯甫四週氏志
矢相卅教子娶媳艱苦備嘗

張氏白魚興妻年二十二夫亡生子甫八月氏誓不渝
志苦心育孤

申氏姚維廣妻年二十六夫亡遺子七歲氏紡績撫孤
備嘗艱苦

衛氏崔文傑妻二十七歲夫亡繼子秀榮氏每以禮諭
之上事翁姑生盡孝死盡哀

趙氏庠生姚聯元妻二十一歲夫亡子鍾奇甫一歲氏撫孤成立艱苦備嘗娶媳生孫牙節三十一年奉旨旌表五十三歲卒

郝氏尹五兒妻十八歲夫故五月後生一子或因氏少且貧勸之改適氏曰吾若嫁子何依故雖困苦至極志終不奪嘗以所得鍼黹養其子茹茶飲糲艱苦備嘗年四十五卒村人歎息不置

馮氏生員王際盛妻勤儉持家紡績不倦子治國撫育成立讀書遊庠皆氏功也

郭氏廬墓妻年二十四夫故遺子二滿厥滿魁家貧苦

守撫養成人後二子俱故又撫孫顯章及曾孫成立
家漸小康道光甲辰旌表年八十四歲卒

張氏郭九寶妻十七歲于歸二十二歲夫亡矢志守節
育兒子元麟如已出待兒婚姑然無違顏深閨紡績
勤儉持家三十年如一日奉

旨旌表後其子捐授布政司理問 誥命張爲安人鄉
人咸以爲苦節之報

烈女 蘇原村龐某女幼字許村苗姓及長婿家貧父
辱之欲別擇女曰貧富命也誓不他適朝夕哭諫後

貞女馬姐常金村粟來發女賦性堅貞遠超流俗幼失恃父之衣服飲食皆女預備左右奉養曲盡其禮父為擇婿女曰女有三從以父為先兄親老無依何忍遠離鄉里日侍庭幃而以笄髻終也至今四十餘歲

女獨處... 王靈珩... 其賢

李氏 先妻 黃氏 韓體仁妻

陳氏 徐登岸妻 弓氏 趙發山妻

申氏 張炳妻 范氏 原景伊妻

宋氏 馮相支妻 楊氏 王貴成妻

馮氏 張廷桂妻 王氏 石成只妻

韓氏 郭顯遠妻

節婦

只妻

程氏 苗登雲妻

馬氏 可貴子妻

羅氏 王文 妻

馮氏 孟驊 妻

申氏 李育 妻

仝氏 賈 妻

陳氏 商 妻

趙氏 李松 妻

楊氏 李泉 妻

黃氏 常裕 妻

馮氏 韓鉅 妻

張進 妻

牛氏 趙源 妻

申氏 趙建 妻

楊氏 馮常 妻

郭氏 陳瑞 妻

程氏 楊淋 妻

任氏 鄒瞳 妻

趙氏 李繩 妻

楊氏 常丑 妻

李氏 申二 妻

王德 妻

賈氏 李廷 妻

尙氏 楊鶴 妻

暴氏 郭振 妻

王氏 薛正 妻

冀氏 楊例 妻

范氏 徐步 妻

武氏 李紹 妻

尹氏 張 妻

王氏 郭啟 妻

秦氏 有全 妻

李氏 監生王
徐盛妻

汪氏 王蘭
桂妻

裴氏 姜暄
妻

馬氏 趙有
年妻

王氏 原温
妻

王氏 尹弼
妻

王氏 張永
標妻

邱氏 尹魁
妻

劉氏 程滿
倉妻

王氏 霍諍
妻

戴氏 王世
餘妻

李氏 徐標
妻

馬氏 羅九
璧妻

楊氏 常容
妻

王氏 李廣
育妻

張氏 牛發
雲妻

孟氏 李三
明妻

郭氏 李慶
雲妻

程氏 馬進
糧妻

栗氏 羅進
寶妻

李氏 高鹿
鳴妻

李氏 吳標
妻

苗氏 王成
鳳妻

姚氏 趙華
國妻

李氏 原餘
糧妻

苗氏 程廷
珠妻

王氏 馮起
蛟妻

連氏 郝桂
妻

靳氏 胡之
甯妻

申氏 高景
星妻

魏氏 王攀龍妻

范氏 王攀龍妻

任氏 李天德妻

楊氏 李進華妻

姚氏 羅光麟妻

衛氏 李茹妻

胡氏 張崇文妻

趙氏 段秉鈞妻

尹氏 溫盈妻

尚氏 段三元妻

牛氏 孫培芝妻

王氏 秦廣聚妻

靳氏 秦餘芳妻

高氏 苗文華妻

姚氏 羅運只妻

尹氏 李臻祥妻

李任氏

侯程氏

宋張氏

成張氏

吳延氏

田傅氏

秦王氏

秦靳氏

原氏 程中驃妻

程氏 馬俊只妻

李氏 常儒林妻

張氏 段問該妻

常氏 崔跟妻

秦氏 陳一妻

張氏 徐信妻

徐氏 趙奇正妻

馮氏 邨銷妻

田氏 王金鳳妻

馬氏 申璿妻

馬氏 楊熨妻

徐氏 李慶榮妻

程李氏

王程氏

高甯氏

申王氏

李張氏

申馮氏

楊李氏

全謝氏

程苗氏

張徐氏

陳羅氏

徐馮氏

陳李氏

程張氏

王關氏

李魏氏

楊甯氏

楊王氏

馮楊氏

李范氏

常氏 賈慰節妻

申氏 郝德政妻

路氏 庠生程飛熊妻

范氏 張顯 達妻

秦氏 楊滿 妻

楊氏 馮福 元妻

徐程氏

李徐氏

韓鄭氏

霍楊氏

郭李氏

程路氏

楊秦氏

馮楊氏

張范氏

程路氏

李氏 生員牛 廷麟妻

秦氏 張鏞 妻

李氏 生員徐 步堂妻

白氏 武生原 產房妻

宋氏 楊禮 妻

李氏 楊禮 妻

宋氏 馮曼 妻

王氏 崔湧 泉妻

申氏 郭天喜 副室

馮氏 邰百 齡妻

李氏 王鍊 妻

任氏 王保 桂妻

汪氏 王作 新妻

陳氏 孟作 賓妻

馮氏 孟三 賀妻

弓氏 楊濟 妻

王氏 張九 妻

趙氏 陳萬壽妻

許氏 范瑄妻

申氏 郭照母

馬氏 徐範妻

牛氏 趙聚魁妻

原氏 馮修道妻

崔氏 王秋雲妻

申氏 楊子醜妻

司氏 栗富銀妻

暴氏 楊森林妻

張氏 郭維治妻

季氏 李秋元妻

郭氏 趙飭妻

劉氏 郭振邦妻

梁氏 馮雨蛟妻

申氏 監生梁士英妻

梁氏 監生王夜濶妻

魏氏 王攀挂妻

郝氏 武承韶妻

孟氏 李之明妻

高氏 李甲西妻

劉氏 申長壽妻

馮氏 申滿財妻

李氏 連餘隆妻

司氏 孟士邁妻

連氏 趙克敬妻

馮氏 王連位妻

常氏 郭淮邦妻

羅氏 王文連妻

梁氏 趙濶新妻

陳氏 徐學曾妻

程氏 馮起妻

玉氏 李紹賜妻

羅氏 鄭丙旺妻

王氏 徐合雲妻

王氏 徐天位妻

張氏 龐起海妻

崔氏 李春華妻

劉氏 李可久妻

葛氏 孫兩縣妻

孫氏 石長地妻

李氏 周長保妻

段氏 崔寬妻

楊氏 舉人張景行妻

宋氏 生員鄭之朝妻

趙氏 生員馮如妻

鄭氏 原武令李如梧妻

楊氏 宋佳妻

申氏 劉淳妻

馮氏 徐玃妻

張氏 徐結妻

苗氏 程天寵妻

郭張氏

崔郭氏

趙王氏

白劉氏

鄒任氏

楊程氏

李趙氏

程氏

崔范氏

陳氏

王進寶妻

申石氏

馮郭氏

霍李氏

楊段氏

郭馮氏

張王氏

郭吳氏

靳陳氏

武苗氏

楊冀氏

王范氏

韓姚氏

梁馬氏

石氏

玉奎妻

李楊氏

姜劉氏

李趙氏

馬楊氏

程苗氏

李馮氏

李張氏

李倪氏

李霍氏

姚宋氏

陳楊氏

李楊氏

王司氏

馮郭氏

馮趙氏

羅趙氏

姚申氏

劉司氏

楊李氏

張牛氏

張龐氏

徐苗氏

許楊氏

馮李氏

張馬氏

崔牛氏

黃氏

賈凍
狗妻

楊李氏

王史氏

王苗氏

苗陳氏

周程氏

韓孫氏

張王氏

張牛氏

趙王氏

郭宋氏

郭李氏

常胡氏

周李氏

申冀氏

申王氏

張馮氏

張申氏

張馮氏

邈李氏

邈楊氏

衛氏

呼氏

馬氏

司氏

石氏

王氏

李氏

陳氏

程氏

李氏

李氏

李氏

王氏

徐氏

李氏

徐氏

程氏

吳氏

李氏

節婦

李氏

王彭齡妻

王重山妻

張和順妻

申天明妻

路白狗妻

高文通妻

徐融妻

徐人麒妻

馮殿魁妻

崔培蘭妻

馮永忠妻

景妻

程全保妻

監生高其修妻

張瑞雲妻

張鳳翔妻

暴炳南妻

趙攀龍妻

氏失考楊生蘭妻

盧維元妻

明倫彙編

卷五

前編

三

隱逸

堯舜之世不廢巢由若徒知仕進之榮而弗識衡泌之高非所以風世也如退抑自守著書立說亦宜志之以垂不朽

王聰

元

姬素壁之子少有資器工文詞隱居不仕林泉風月琴樽自得聖曆初年八十有一卒

元

宋思約思齊弟性淡靜私淑聖學不樂仕進建藕澤書院塋先師及區配十哲俟講學其中後學從之教化盛行至今古蹟猶存

許鈍永樂辛卯舉於鄉長才博學於書無所不讀而性甘林泉不樂仕進時以隱士稱

流寓 遷徙附

賢才不擇地而生維楚有材惟晉用之自古然已故
往哲高蹤杖履所至輒增名勝則地以人重也

漢

張良字子房韓人以家世相韓秦滅韓良散千金之產

募壯士為韓報仇遂佐高祖定天下以滅秦爵封留

侯今邑水南村西北有張良廟與旺村有張良墳周

圍五里耕者得石知其常流寓於此

按邑侯梁道詩
及三賢考俱以

為屯留人而舊說究
不可沒因並載之

宣字子都渤海高城人好學明經舉孝廉累遷諫議

大夫司隸校尉等上書言民有七亡而無一得七死而無一生他如抑權倖退孔光廷何武等章疏尤多其言少文多實後坐推辱宰相下廷尉獄博士弟子舉幡太學曰欲救鮑司隸者會此諸生千餘人朝夕遮宰相車不得行又守國上書宣罪得減死一等贊鉗乃徙之上黨以地宜而牧遂家於此卒兆於百子野子永孫昱世籍屯留詳名賢志今鮑氏散居各鄉邑而隨晉南遷者因散處於徽甯之界重出



不... 林州... 自古...

余... 明字子... 華陰人幼孤好學至... 上黨師屯留王聰

受毛詩尚書禮記一年辭聰遊燕趙是後教授門
講學於外二十餘年元灝入洛爲亂兵所害

遷徙

明

申綸字廷言本縣人高祖庸任掖縣知縣過永年遂占
籍焉曾祖達任汝甯知府祖甯舉賢良方正宏治戊
午領京闈鄉薦登乙丑進士以知縣擢潞州知州別
見郡志官至雲南副使有惠政致仕

申仲本縣人寄籍任邱申嘉靖甲辰進士官至御史

宋譜本縣人寄籍故城中嘉靖乙丑進士官至兗州知

府本鄉人寄錄姑池中爲記五里士官至京州
申佳允字孔嘉本縣人徙永年九世至公登崇正辛未
科進士歷知儀封杞二縣擢吏部甲申以牧事出他
聞賊薄居庸畿南瓦解或勸公勿入不聽馳馬入都
見事不可爲乃遺書子涵光誓以死報國諄諄以義
命爲訓城陷之先一日聚賓客爲仲子行冠禮曰昔
人所謂冠帶見先人於地下也及京城不守遂投王
公厥井二僕攬衣絕袖公大呼曰汝歸慰太安人有
子作忠臣勿過戚也躍入卒諡忠愍見郡志

仙釋

自昔孔氏立教如日月中天而釋氏老氏者流彼此角勝欲與吾儒鼎峙但譚吐納者嗤枯禪耽空寂者誚蟬脫皆非時中之道然名賢碩士往往寄跡仙岩託蹤名刹亦有不可磨滅者在也仍述而存之

二真人五麻西顯住中惠州州二真人

二高樂氏二女本縣李村人其先世陵川商微子之後父山寶母楊氏感仙光而娠誕有奇德繼母呂氏御二女甚酷單衣跣足冬使採茹二女性至孝泣血浸土化爲苦苣其葉有赤斑若血痕然得之筐以歸奉

母母益怒移家於壺關紫團山又命捨麥於外無所
得畏母捶楚仰天號訴倏黃龍下降少者先升須臾
黃龍又降長亦升霄易金縷絳衣鳳冠繡履仙樂響
空天香馥路主人立廟祀之宋崇甯間顯靈邊戍
號真人正和初賜封冲惠冲淑二真人

金

張瓊邑之張賢村人世業農克勤克儉能孝能弟處事
明敏不苟然諾至皇統八年二月二十三日享壽九
十有七忽斂衽而坐形色不變火光四起尸解昇仙

政忠俗姓周北岡上村人爲普明寺僧遊方至輝縣白
毛寺臨終囑其徒曰當灰其骨以葬言訖坐逝後果
焚得舍利珠數枚

明

董德裕本縣人字天佑自幼喜誦道德經心悟至理年
至九十尸解

李迎仙原住平順龍祥觀嘉靖初來遊邑之南溪觀謂
雲林可寓遂寄迹焉見廟宇傾圮迎仙四方勸募悉
供修理費用功竣後閉戶修鍊不染纖塵年至九十
餘出遊名山不知所終

福慧字壽庵姚姓明進士姚唐裔自幼言動不苟羞與俗伍制髮永慶寺移居碧霞宮及壯雲遊表玉名盡訪當代宗匠深悟禪機年至知命日動極惡靜倦知還乃掩關焚香閱經不復問人世間事幾二十年康熙乙未孟夏念七日忽令喚集徒衆翌日已靜坐室內問曰午時否衆答曰未少頃又問衆曰近午遂倏然而逝官紳士庶競看蝟集時值溽暑端坐三日顏色如生遠邇喧傳後入陶建塔於絳水之陽教諭楊肖億有記

清潭和尚原籍山東齊東縣人本姓田其父存日官本
邑驛丞僧存心清靜不樂與塵俗爲伍遂在城內永
福寺削髮爲徒後遷鳴水村府君廟考其爲人寡嗜
欲甘淡泊五蘊皆空一性縱橫終身修養並未嘗好
奇立異以自鳴於世也至乾隆己未八月十八超舉
波羅圓寂歸空有村人西歸路遇和尚兩相問訊及
回村乃知和尚已沒二日此所謂身歸佛地遺屍解
化也村衆驚異建塔至今猶存

楊僧牛家腦人幼住鳳崗潮音庵性純謹閉口修鍊不
近流俗晚悟禪機能知未來事謝世二日顏色如生

有人西來遇僧手持鑰匙命付其徒及歸僧歿已久

道近咸異之